

անցնել ամեն փորձանքների, ամեն դժոխարությունների միջից եւ կուրօրէն դիմել դէպի մի անյայտ նպատակ...

### ԺԴ. ԹԵՈՍ ԱՆՊՕՐ ՍՐՃԱՏՈՒՆԸ

Վանայ սրճատները բացուում են արեւի լոյսի հետ եւ փակուում են արեւը մայր մտնելու հետ: Գիշերը ամեն կեանք, ամեն գործողութիւն դադարում է այստեղ: Մարդիկ տնից դուրս չեն գալիս, որ չհանդիպեն ոստիկանութեան կամայականութեանը: Դատարկ փողոցներում թափառում են միայն գողերը ու նրանց ընկեր գիշերապահները:

Անհնարին կը լինէր մի ուրիշ ժամանակ, գիշերոայ այն ժամին, մեր որոնած սրճատունը բաց գտնել, եթէ ռամազանի ամիսը չլիներ: Այդ ամսում մահմեդականների համար ցերեկը գիշեր է դառնում, իսկ գիշերը՝ ցերեկ: Ամբողջ օրը օրուջ (ծով) պահելով, նրանք օրոայ մեծ մասը քնով են անցկացնում, իսկ գիշերը արթուն են մնում ուտելու եւ աղօթելու համար: Երբ մտանք քաղաքը, հացթուխների, խոհարարների եւ նպարավաճառների խանութներից շատերը դեռ բաց էին: Փողոցներից նրանք միայն փոքր ի շատէ լուսաւորած էին, որտեղ այս տեսակ խանութներ կային: Կրպակների ճրագի լոյսը տարածուում էր եւ փողոցի մէջ: Մարդիկ դեռ անցուդարձ էին անում: Ոմանք դիմում էին դէպի մեչիդները, իսկ ոմանք՝ հարեւանների մօտ, գիշերը անցկացնելու համար՝ ուտելով եւ հոգեւոր զրոյցներով: Հարուստները այդ գիշերներում իրանց սեղանի շուրջը հաւաքում են աղքատ դրացիներին: Տարոայ մէջ մի ամբողջ ամիս մահմեդականը ողորմած եւ ջերմեռանդ է դառնում:

Երեւում էր, որ Ալլանին անծանօթ չէր Թեոս ախպոր սրճատունը. նա առանց հարցուփորձ անելու ուղիղ դիմում էր դէպի այն կողմը: Երբ հասանք, նա անցաւ սրճատան ետեւի կողմը եւ սկսեց բախել մի փոքրիկ դուռ, որ շուտով բաց արին: Մենք ներս մտանք:

– Կարելի՞ է տեսնել Թեոս ախպորը, – հարցրեց Ալանը դուռը բաց անող ծառայից:

– Նա սրճատանն է, – պատասխանեց ծառան:

– Կանչեցէք այստեղ: Ասացէք, մի պարոն ձեզ հետ գործ ունի:

– Իսկ ձեր անո՞ւնը:

– Իմ անունը ձեզ հարկաւոր չէ, դուք միայն կանչեցէք, նա կը գայ:

Ծառան մրթմրթալով հեռացաւ: Մենք փոքրիկ բակում սպասում էինք: Զանի րոպէից յետոյ ճրագը ձեռին յայտնեցաւ Թեոս ախպերը, որ նախ մի